

# TE 'TOU GALUEGA TALAI

## NOVEMA 2012

### TE VAIASO E KAMATA I A NOVEMA PO 12

Te Pese e 66 mo te 'Talo

#### ❑ Sukesukega a te Fakapotopotoga ki te Tusi Tapu:

bh mata. 17 ¶¶9-15 (30 minu.)

#### ❑ Te Akoga mō Tino Talai:

**Faitauga ki te Tusi Tapu:** Amosa 1-9  
(10 minu.)

**Napa 1:** Amosa 3:1-15 (4 minu. io me mu'tana ifo)

**Napa 2:** E se Fakaseaoga ei te Alofa o te Atua –td 3E (5 minu.)

**Napa 3:** E Mafai Pefea o Aoga ki a Tatou a te Maina 'Lei i te Salamo 51:17? (5 minu.)

#### ❑ Te Fakatasiga mō te Galuega Talai:

Te Pese e 68

**10 minu:** Manakoga o te fakapotopotoga.

**10 minu:** Ne a Mea e Tauloto ne Tatou? Se sau'talaga. Ke faitau a te Maleko 1:16-20. Mafaufau ki auala e mafai ei o fesoasoani mai a te tala tenei ki te 'tou galuega talai.

**10 minu:** "Ke Fiafia ki Fua o Au Galuega." Fesili mo tali.

Te Pese e 98 mo te 'Talo

### Ke Fiafia ki Fua o Au Galuega

<sup>1</sup> Ne faite eiloa te tagata ke "fakafafia ki mea ko oti ne maua ne ia i ana galuega." (Fai. 2: 24) Kae kafai e se lavea ne tatou a ikuga 'lei o 'tou galuega talai, e mafai o ave keatea ne te loto väiväi a te fiafia mai i a tatou kae galo atu ei 'tou loto finafinai. Ne a mea e mafai o fesoasoani mai ke fakatumau aka ei se kilokiloga aoga?

<sup>2</sup> **Ke Fai ne Fakamoemoega 'Lei:** Masaua me e tiga eiloa ne mu'tana fua a tino ne talia ne latou a Iesu, kae e mautinoa eiloa me ne

1. Se a te mea e mafai o ave keatea i ei 'tou loto finafinai?

2. Kaia e 'tau ei mo tatou o fai ne fakamoemoega 'lei e uiga ki te kilokiloga a tino ki te 'tou galuega talai?

iku manuia te faiga o tena galuega. (Ioa. 17:4) I tena tala fakatusa e uiga ki te tino 'toki saito, ne 'valo mai ne Iesu me ka se talia eiloa fakamuli ne te ukega o tino a te fekau o te Malo telā e fai pelā mo te fuaga. (Mata. 13:3-8, 18-22) E tiga eiloa te feitu tenā, koi uke 'ki eiloa a mea ne faka-taunu ona ko 'tou taumafaiga mo te loto fiafia.

<sup>3</sup> **Te Auala ke 'Fua Mai i ei a Fuaga e Uke:** E 'tusa mo te tala fakatusa a Iesu, a latou kolā e talia ne latou a te fekau ka "fua" mai i ei a fuaga e uke. (Mata. 13:23) Kafai ko ola kae tupu aka se kausaito, e se 'fua mai i ei se tamā *kausaito*, kae se *fuaga* fou. Tela la, a te fuaga telā e fua mai ne Kelisiano ga'lue malosi, e se ko soko 'fou, kae ko fuaga e uke o te Malo kolā ne 'toki –ko te 'tokiga faeloa o fuaga e uke e auala i 'tou galuega talai e uiga ki te Malo. E iku mai i te mea tenei a mea "'lei" e uke kolā e maua mai ei ne tatou a te lotomalie, faitalia me ne a kilokiloga a tino. E fesoasoani atu tatou ki te faka'maluga o te igoa o Ieova. (Isa. 43:10-12; Mata. 6:9) E maua eiloa ne tatou a te tauiliaga ke fai mo fai ne tino e ga'lue fakatasi mo te Atua. (1 Koli. 3:9) Kae ko vaegā "fuaga [penā] o 'tou gutu" e fakafafia atu ki a Ieova.—Epe. 13: 15, 16.

<sup>4</sup> E se gata i ei, e mafai foki o maua mai i 'tou galuega e uke a ikuga kolā e se lavea ne tatou. Kāti e isi foki loa ne tino kolā ne lagona ne latou a te talaiga a Iesu kae ne seki fai latou mo fai ana soko ke oko ki te taimi mai tua o te palelega o tena galuega i te lalolagi. E penā foki loa, a fuaga o te malo kolā e 'toki ne tatou e mafai o se ola kae e se 'tupu aka foki i te loto o se tino i te taimi tenā, kae e mafai eiloa o vau fakamuli a ia ki te munatonu e aunoa mo te iloa ne tatou. A te 'tonuga loa, e fakataunu eiloa ne te 'tou galuega a mea 'lei e uke. Tela la, ke na tumau tatou "i te 'fua malosi mai" kae ke fakamaoni atu me i a tatou ko soko o Iesu. —Ioa. 15:8.

3. E mafai pefea ne tatou o fai ke "'fua" mai a fuaga faiitalia foki eiloa me e se lavea malosi ne tatou a ikuga o 'tou galuega talai?

4. Ne a ikuga e mafai o maua mai 'tou galuega e aunoa mo te iloa ne tatou?

## **TE VAIASO E KAMATA I A NOVEMA PO 19**

Te Pese e 81 mo te 'Talo

### **❑ Sukesukega a te Fakapotopotoga ki te Tusi Tapu:**

bh mata. 17 ¶16-20 (30 minu.)

### **❑ Te Akoga mō Tino Talai:**

**Faitauga ki te Tusi Tapu:** Opetaia 1–Iona 4 (10 minu.)

**Napa 1:** Iona 2:1-10 (4 minu. io me mu'tana ifo)

**Napa 2:** Te Auala e Fai ei ne te Tapuakiga Tonu ke 'Kau Fakatasi a Tino Mai i Telega Kese'kese mo te Fealofani—Sala. 133:1 (5 minu.)

**Napa 3:** Ko oi e 'Tau o 'Losi Atu ki ei mō Logo-'maega i te Lalolagi?—td 4A (5 minu.)

### **❑ Te Fakatasiga mō te Galuega Talai:**

Te Pese e 95

**15 minu:** E Maua a Fakamanuiaga e Uke Mai i a Ieova i te Tavini Atu i se Koga Telā e Manakogina Malosi ei a Tino Talai. Se sau'talaga telā e fakavae ki te 2012 Yearbook, te itulau e 114, te palakalafa e 1, ki te itulau e 116, te palakalafa e 1; te itulau e 151, te palakalafa e 3; te itulau e 153, te palakalafa e 1 mo te 2; mo te itulau e 170, te palakalafa e 1, ki te itulau e 171, te palakalafa e 3. 'Kami atu a te kautaina ke taku mai ne latou a akoakoga ne tau-loto ne latou mai i ei.

**15 minu:** "Ke mo a ma Fakatalave Koe—Mai i te 'Teke Atu ki te Manatu Māmā ki a Koe Eiloa." Fesili mo tali. Ke fakasau'tala malie aka se tino telā e seki fanatu ki akoga ma'luga io me e mata ma kae ko oti ne kau atu ki te galuega ko te faiga o akoga faka-te-Tusi Tapu.

Te Pese e 26 mo te 'Talo

## **Ke mo a ma Fakatalave Koe —Mai i te 'Teke Atu ki te Manatu Māmā ki a Koe Eiloa**

<sup>1</sup> E mata, e taofi aka ne koe a te ofoatuga o se akoga faka-te-Tusi Tapu ona ko te sē lava o te loto talitonu ki tou atamai? I nisi taimi, ne maua foki ne tavini fakamaoni i aso mua, e pelā mo Mose mo Ileemia, a lagonaga me e se lava te lā atamai ke fakataunu lā galuega. (Eso. 3:10, 11; 4:10; Ile. 1:4-6) Tela la, e sē se mea fou a vaegā lagonaga penā. E mafai pefea o 'teke atu ki ei?

1. Kaia e taofi aka ei ne nisi taina a te ofoatuga o se akoga faka-te-Tusi Tapu ki tino?

<sup>2</sup> E 'tau o masaua ne tatou me e se mafai eiloa o fakamolemole mai a Ieova ke fai ne tatou se mea telā e se mafai ne tatou o fai. (Sala. 103:14) Tela la, a te 'tou galuega ke 'fai a tino mo soko,' "te akoako atu latou," se mea telā e mafai o fai ne tatou. (Mata. 28:19, 20) A te mea tenei e sē se tau-liaga telā e tuku atu fua ne Ieova ki toe tino ata-mai io me ko toe tino 'poto i a tatou. (1 Koli. 1: 26, 27) Tela la, e se 'tau mo tatou o lotoma'lie ke lava fua 'tou taviniga i te galuega talai mai fale ki fale kae tuku atu ki nisi tino ke fai ne latou a akoga faka-te-Tusi Tapu.

<sup>3</sup> **E Fai Eiloa ne Ieova ke Fetaui 'Lei Tatou:** A te fetaui 'lei o tatou ke fai a soko ne aumai loa mai i a Ieova. (2 Koli. 3:5) Ko oti eiloa ne akoako mai ne ia e auala i tena fakapotopotoga a mun-a-tonu i te Tusi Tapu kolā e se iloa lele eiloa ne toe tino a'koga ma'luga i te lalolagi tenei. (1 Koli. 2: 7, 8) Ko oti eiloa ne tausi ne ia se fakasologa o auala ne akoako atu ei a te Faiakoga Sili, ko Iesu, ke fakaakoako tatou ki ei, kae e tuku mai faeloa ne ia a akoakoga e auala i te fakapotopotoga. E se gata i ei, ne tuku mai foki ne Ieova a tusi e manakogina ne tatou ke akoako atu ei te Tusi Tapu. Ko oti ne tuku mai ne ia a mea faigaluega, e pelā mo te tusi ko te *Akoakoga a te Tusi Tapu*, telā e akoako mai ei te munatonu i se auala tonu kae faigofie ke malamalamā i ei. A te faiga o se akoga faka-te-Tusi Tapu e mafai o faigofie atu i lō te mea e mafau'fau tatou ki ei.

<sup>4</sup> Ne mafai o fai ne Mose mo Ileemia lā galuega ona ko te fesoasoani o Ieova. (Eso. 4:11, 12; Ile. 1:7, 8) E mafai foki ne tatou o akai atu ki a Ieova ke fesoasoani mai ki a tatou. A te 'tonuga loa, kafai ko fai ne tatou se akoga faka-te-Tusi Tapu, ko akoako ne tatou ki se tino a te munatonu e uiga ki a Ieova, telā e fai mo fai se mea fakafafia ki te Atua. (1 Ioa. 3:22) Tela la, ke na taumafai eiloa koe o kau atu ki te galuega ko te faiga o akoga faka-te-Tusi Tapu, se vaega fakafafia kae gali o te galuega talai.

2. Kaia e se 'tau ei o lotoma'lie tatou ke lava fua 'tou taviniga i te galuega talai mai fale ki fale kae tuku atu ki nisi tino ke fai ne latou a akoga faka-te-Tusi Tapu?

3. E fai pefea ne Ieova ke fetaui 'lei tatou mō te galuega ko te faiga o akoga faka-te-Tusi Tapu?

4. Kaia e mafai ei o maua ne tatou a te loto talitonu me ka fesoasoani mai a Ieova ki a tatou?

## **TE VAIASO E KAMATA I A NOVEMA PO 26**

Te Pese e 62 mo te 'Talo.

### **❑ Sukesukega a te Fakapotopotoga ki te Tusi Tapu:**

*bh mata. 18 ¶1-7 (30 minu.)*

### **❑ Te Akoga mō Tino Talai:**

**Faitauga ki te Tusi Tapu:** Mika 1-7 (10 minu.)

**Napa 1:** Mika 3:1-12 (4 minu. io me mu'tana ifo)

**Napa 2:** Te Pogai e Talia ei Amioga Ma'sei—*td 4E* (5 minu.)

**Napa 3:** Pogai e Illoa ei ne Tatou me i a Ieova e Fakalogologo Mai ki 'Talo—1 loa. 5:14 (5 minu.)

### **❑ Te Fakatasiga mō te Galuega Talai:**

Te Pese e 56

**5 minu:** Ke Kamata se Akoga Faka-te-Tusi Tapu i te Aso Ono Muamua. Mai i te fakaaogaga o pati fakatomua fesoasoani i te itulau e 4, ke fai se fakasiga ki te auala e mafai ei o kamata se akoga i te Aso Ono muamua i a Tesema. Ke fakamalosi atu ki tino katoa ke 'kau atu ki ei.

**10 minu:** Manakoga o te fakapotopotoga.

**15 minu:** "Ke mo a ma Fakatalave Koe—Mai te Fakafesagai Atu ki Tou Tulaga Fakalavelave." Fesili mo tali. Ke fakasau'tala malie aka se tino telā ne kau atu ki te galuega ko te faiga o akoga faka-te-Tusi Tapu faitalia tena tulaga fakalavelave.

Te Pese e 73 mo te 'Talo

## **Ke mo a ma Fakatalave Koe —Mai te Fakafesagai Atu ki Tou Tulaga Fakalavelave**

<sup>1</sup> E fakatalave a nisi tino ke ofo atu se akoga faka-te-Tusi Tapu ona ko te lotou tulaga fakalavelave. A te tausi atu ki se akoga faka-te-Tusi Tapu e manakogina i ei a taimi e uke. E manakogina a taimi ke fakatoka kae fai te akoga, mo te fesoasoani atu ki te tino akoga ke manumalo i ana fakalavelave totino. Ne fai mai te apositolo ko Paulo me ne tuku atu tena ola kātoa ke fesoasoani ki tino Tesalonia ke iloa ne latou a Ieova. (1 Tesa. 2:7, 8) E mafai pefea o fai ne tatou a akoga faka-te-Tusi Tapu faitalia 'tou tulaga fakalavelave?

1. Kaia e fakatalave ei a nisi tino ke ofo atu se akoga faka-te-Tusi Tapu?

## **<sup>2</sup> E Manakogina a Taimi e Uke i te Tavini**

**Atu ki a Ieova:** Tenei te munatonu faigofie, e manakogina a taimi e uke ke tavini atu ki a Ieova. E pelā mo te fakaaogaga faeloa ne tatou a taimi ke 'kau atu ki fakatasiga, te galuega talai, ke faitau te Tusi Tapu, mo te 'talo. Ka fakaavanoa faeloa mo te fiafia ne se tino avaga a taimi ke fakamāumāu fakatasi ne ia mo tena avaga. E pefea te lasi atu o te 'tou fia'fia ke "fakaaoga" faka'lei 'tou taimi ke tapuaki atu ki a Ieova ona ko te mea e a'lofa tatou ki a ia. (Efe. 5:15-17; 1 Ioa. 5:3) E 'tusa mo pati a Iesu, a te galuega ko te faiga o akoga faka-te-Tusi Tapu se vaega tāua o te 'tou taviniga ki a Ieova. (Mata. 28:19, 20) A te mafaufau 'loto ki te mea tenei ka fesoasoani mai ke mo a ma taofi aka tatou mai i te taliaga o te tiute ke fai se akoga faka-te-Tusi Tapu.

<sup>3</sup> Kae e a māfai ko fakalavelavegina tatou ne galuega 'togi, masaki tumau, io me ko tōfiga i te fakapotopotoga? E fai ne nisi tino talai a akoga faka-te-Tusi Tapu i te telefoni io me e auala i te itaneti. A latou kolā e fakalavelavegina ne masaki tumau, ne fakatoka olotou akoga faka-te-Tusi Tapu ke olo atu ki olotou fale o fai olotou akoga i ei. Ne fakatoka ne nisi tino se tino talai fakamaoni ke fesoasoani atu ki te faiga o te akoga māfai ko se avanoa latou.

<sup>4</sup> Ne maua eiloa ne Paulo a te fiafia lasi mai i te fakaaogaga o ana taimi mo te malosi ke fesoasoani atu ki nisi tino ke tauhoto ki te munatonu. (Galu. 20:35) I te taimi ne mafaufau ei a ia ki fua o ana galuega 'mafa i Tesalonia, ne fakaosofia aka ei a ia ke fakafetai atu ki a Ieova. (1 Tesa. 1:2) E mafai o momea aka te 'tou fia'fia mo te lotomalie i te galuega talai māfai e se talia ne tatou a 'tou tulaga fakalavelave ke taofi aka ei tatou mai i te faiga o akoga faka-te-Tusi Tapu.

2. E pokotia pefea a te auala e fakaaoga ei 'tou taimi i te 'tou a'lofa ki a Ieova?

3. E mafai pefea o tausi atu tatou ki se akoga faka-te-Tusi Tapu faitalia te fakalavelave mai o nisi fakanofonofoga ki 'tou fakatokaga mō te galuega talai?

4. Ne a fakamanuiaga e maua mai i te kau atu ki te galuega ko te faiga o akoga faka-te-Tusi Tapu?

## TE VAIASO E KAMATA I A TESEMA PO 3

Te Pese e 128 mo te 'Talo

### □ Sukesukega a te Fakapotopotoga ki te Tusi Tapu:

bh mata. 18 ¶8-16 (30 minu.)

### □ Te Akoga mō Tino Talai:

**Faitauga ki te Tusi Tapu:** Nauma 1–Sapukuka 3 (10 minu.)

**Napa 1:** Sapukuka 2:1-14 (4 minu. io me mu'tana ifo)

**Napa 2:** Kaia e Fai'pati Atu ei Tatou e Uiga ki te Munatonu mo te Loto Talitonu? –2 Timo. 1:7, 8 (5 minu.)

**Napa 3:** Te Vaitaimi Tai Mata Leva o te Gataga, se Fakatokaga Alofa—td 41 (5 minu.)

### □ Te Fakatasiga mō te Galuega Talai:

Te Pese e 106

**10 minu:** Manatu mō te Ofoatuga o Mekesini i a Tesema. Se sau'talaga. Ke fakaaoga se 30 ki te 60 sekone ke fakamatala atu a te pogai ka fakafafia atu ei a mekesini ki tino i 'tou koga talai. Mai te fakaaogaga o mataupu kamata o *Te Faleoleo Maluga*, ke 'kami atu a te kautaina ke tuku mai ne manatu fesoasoani e uiga ki se fesili gali ke fakaaoga, penā foki loa mo se tusi faitau ke faitau atu. Ke fai se fakaasiga ki te auala e mafai ei o ofo atu a te mekesini.

**10 minu:** Manakoga o te fakapotopotoga.

**10 minu:** Tala 'Gali e Uiga ki te Ofoatuga o Tamā Pepa. Se sau'talaga telā e fai ne te ovasia o te galuega talai. Ke 'kami atu a te kautaina ke taku mai olotou tala 'gali i te taimi ne ofo atu ei ne latou a tamā pepa i a Novema. Ke fakaaoga ne tino talai e tokolua kola ne iku manuia lā taumafaiga ke fai se fakaasiga ki te auala ne ofo atu ei ne lāua a tamā pepa mai fale ki fale.

Te Pese e 96 mo te 'Talo

## Faka'pulaga

- Tusi kolā ka ofo atu i te masina o **Novema mo Tesema:** Ke fakaaoga se tamā pepa i tamā pepa konei: *Ke Maua se Kāiga Fiafia, Ko Pili o Palele, Ko oi e Pule Tonu ki te Lalolagi* mo te *Iloa te Tusi Tapu*. Kafai e maua atu se tino fiafia, ke ofo atu se akoga faka-te-Tusi Tapu mai i te fakaaogaga o te tusi ko te Akoakoga a te Tusi Tapu. **Ianuali mo Pepuali:** Ke fakaaoga so se polosiuia telā e 32 a itulau i ei: *Ke Tu-*

*mau i te Matapula'pula!, Te Malo Telā ka Aumai ei te Palataiso, Kafai ko Mate Sou Tino Pele, Agaga o Tino 'Mate-E Mafai o Fesoasoani io me Fakalogo'mae Atu ki a Koe? E Ola Tonu Latou? Mati mo Apelila:* Ko mekesini ko *Tē Faleoleo Maluga* mo te *Ala Mai!* Kafai ko fai a toe asiga, ke fakaasi atu a te tusi ko te *Akoakoga a te Tusi Tapu*, io me ko te polosiuia e tasi i polosiuia konei, *Fakalogo ki te Atua* io me ko te *Fakalogo ki te Atua ko te Mea ke Ola Koe ki te Se-Gata-Mai*, māfai e fetaui 'lei, kae taumafai ke kamata se akoga faka-te-Tusi Tapu.

## Pati Fakatomua Fesoasoani

TE FALEOLEO MALUGA  
E FOLAFOLA ATU EI TE MALO O IEOVA

### Novema 1

"E mafau'fau a tino e tokouke me e 'tau o amio fakaloi'loi latou ke ola 'lei ona ko te tokouke o tino e amio fakaloi'loi. Se a tau faka'tau? [Faka'tali ki se tali.] Mafaufau ki te akoakoga fakavae tenei mai i te Tusi Tapu telā e mafai o fesoasoani atu ki te faiga o fakaikuga." Ke 'suke ki te itulau e lima o te mekesini kae faitau atu se tusi faitau telā e maua atu i te itulau. Kafai e oti, ko taku atu ei se tala tonu i te mataupu e uiga ki se tino telā ne fakagalue aka ne ia a te akoakoga fakavae tenei mo te auala ne aoga ei ki a latou.

TE FALEOLEO MALUGA  
E FOLAFOLA ATU EI TE MALO O IEOVA

### Tesema 1

"E fia iloa ne maua tou manatu ki te mea tenei. Kafai e mafai ne koe o 'sili atu ki te Atua se fesili, se a te fesili tenā? [Faka'tali ki se tali.] E 'tusa mo pati a Jesu, se mea 'lei ke 'sala atu tatou ki tali ki 'tou fesili tāua. [Faitau te Mataio 7:7.] E tuku mai i te mekesini tenei a tali i te Tusi Tapu ki fesili tāua e tolū konei." Ke fakaasi atu ki te tino i te fale a fesili i te fakaotiga o te itulau e 3.

## Te Lipoti Toetoe o te Galuega Talai

Ko oko eiloa i te motou fia'fia ke fakaasi atu me ne maua ne Fiti a aofaki 'fou e lua i te masina o Iuni:

- Mekesini e 64,991
- Tino talai e toko 2,877